

Piujuartitsilluni ineriartortitsineq pillugu
nunarsuarmi anguniakkanut periusissiaq.



Indhold

Siulequtsiussaq	3
Suliaq pingaarnersiugaq	4
Sammisat	5
Meeqqat inuusuttullu siunissaraagut.....	5
Peqqissumik toqqissisimasumillu peroriartorneq	6
Imaaliussaagut.....	6
Meeqqat ilinniagaqarnissamut piareersimasut amerlanerit.....	6
Siunissaq ataatsimoorullugu.....	7
Sermersooq inuussutissarsiortut siuariartorneranni qitiusutut.....	8
Suliffeqarneq piginnaanngorsaanerlu	9
Inuussutissarsiutinik ineriartortitsineq.....	9
Assartuineq imminut napatissinnaasoq kikkunut tamanut.....	10
Kommuni ataatsimoortoq	10
Sermersooq inuttut inerikkiartornermi tunngaviusutut	11
Peqqissuseq	12
Inuuneq tamaat ilikkagaqartarneq	12
Inuiaqatigiinni inissaqarneq - inuuneq tamaat.....	13
Sermersooq kommunitut akisussaassuseqartutut piujuartitsisutullu	14
Kaaviaartumik aningaasaqarneq	15
Imaaliussaagut.....	15
Silaannaq pillugu iliuuseqarneq.....	15
Suleqatigiinnermi suliniutit.....	15
Sermersooq kommunitut nutaaliortutut, eqeersimaartutut uummaarissutullu	16
Timersorneq eqeersimaarnerlu.....	17
Imaaliussaagut.....	17
Eqqumiitsuliorneq, kulturi nutaaliorterlu.....	17
Kommuni najugaqarfigissallugu pilerinartoq	18

Siulequtsiussaq

Kommuneqarfik Sermersuumi nunarsuarmi anguniakkanut periusissiaq matumuuna saqqummiunneqarpoq – periusissiaq annertoq kommunimi suliasani pingaarnerni piujuartitsilluni ineriartornissamut tunngaviususaaq. Periusissiaq kommunimi immikkoortut pingaarnert assigiinngitsut akimorlugit atuuppoq, ingerlatsiviillu tamarmik aamma sulisoqarfitta amerlanersaat ilanngunneqarlutik, taamaalilluta periusissiaq 2030 nunarsuarmi anguniakkanut tamanut piffissamut sinaakkutaasoq nallertinnagu piviusunngortinniarlugu kommunimi kivitseqatigiissaagut.

Piujuartitsilluni ineriartortitsineq nunat tamat akornanni piffissami sivisuumi isiginiarneqarsimavoq. Tamanna ima paasineqassaaq piujuartitsineq assigiinngitsunik taaguuteqartinneqartoq, inuttut atukkani, aningaasaqarnermi, politikkitimi avatangiisinilu pissutsinik imaqartoq – tassani tamanik isiginnilluni tamanik piujuartitsineq inaarutaasumik anguniagaavoq.

Ineriartortitsineq taanna aamma Kalaallit Nunaannut atuuppoq – tassani silaannaap allanngoriartornerata kinguneri ersarissigaluttuinnarlutik aammalu aningaasaqarnermi inuttullu atukkatigut suli periarfissaqartitsilluni. Kommuneqarfik Sermersuup piujuartitsilluni siunissaqarnissamik suliniuteqaqataanissaa piffissanngorpoq.

Periusissiap uuma piviusunngortinnissaanut pisariaqartoq pingaarutilik tassaavoq, taassuma periusissiatsinnut atuuttunut pissusissamisoortumik uiggiunnissaa tapersiinissaalu – periusissiaq una taamaalilluni suliasanut kommunimi suliaralugit ingerlanneqareersunut sinaakkutaassaaq.

Piujuartitsilluni ineriartortitsinermut FN-p nunarsuarmi anguniagai ineriartortitsinissap paaseqatigiissutigineqalernissaanut imaannaanngitsumik periarfissiipput. Paaseqatigiissuteqarneq kommunitinni ataatsimullu isigalugu Kalaallit Nunaanni nu-narsuarmilu assigiinngiiartunik suleqatigiinnitsinnik pitsanngorsaataasinnaasoq.

Nunarsuarmi anguniakkanut periusissiaq taamaalilluni ataatsimut isiginnilluni piujuartitsilluni ineriartortitsinermut kommunimi tamarmi suleqatigiissutigisassatsinnut sinaakkutaavoq.

Suliaq pingaarnersiugaq



Isumaqarluartumik sunniutilimmillu piujuartitsilluni ineriartortitsinissami tullerriaaraluni suliniuteqarnissaq pingaartuuvoq. Taamaattumik nunarsuarmi anguniakkanut periusissiami immikkoortut marluk atorpeqarput, anguniakkat pingaarnert pingaanginnerusullu.

Anguniakkat pingaarnert

Periusissiamut tunngaviupput, taakkulu kommunimi takorluukkat siunertallu arlallit ataaniittut atorlugit itisilerneqassapput. Anguniakkani pingaanginnerusuni anguniagaq siullermik tassaassaaq maannakkut ineriartornerup ingerlatiinnarnissaa, taakku taamaalillutik pitsaangitsumik kinguneqassanatik.



Anguniagaq 3 - Peqqissuseq atugarissaarneq

Anguniagaq 4 - Pitsaassusilimmik ilinniarneq

Anguniagaq 8 – suliffiit pitsaasut aningaasaasatigullu ineriartorneq

Anguniagaq 9 Suliffissuit, nutaaliorneq attaveqaatillu



Anguniagaq 11 – Illoqarfiit najugaqarfiillu piujuaannartitsisut

Anguniagaq 12 – Akisussaassuseqartumik atuineq tunisassiornerlu

Anguniagaq 13 silaannaq pillugu iliuuseqarneq



Anguniagaq 17 – Iliuuseqarnermi peqatigiinneq



Sammissat

Anguniakkat pingaernerit aallaavigalugit sammisanik tallimanik suliaqarpugut.

- Meeqqat inuusuttullu siunissaraagut
- Sermersooq inuussutissarsiornermi siuariartornermi qitiusutut
- Sermersooq inuttut inerikkiartornermi tunngaviusutut
- Sermersooq kommunitut akisussaasuusutut piujuartitsisutullu
- Sermersooq kommunitut nutaaliortutut, eqeersimaartutut uummaarissutullu

Taakku kommunimi periusissiat atuutereersut isumassarsiorfigalugit naapertorlugillu ineriartortinneqarput, taakkununga ilanngullugu illoqarfiit pingaarnersaat pillugu periusissiaq. Sammissat imminnut atatillugit isigineqassapput, taamaalilluta kommunimi tamanik isiginnilluta piujuartitsilluta ineriartortitsiniassagatta. Piffissamut sivisuumut sammisanik immikkoortullu akimorlugit suliaqarneq taamaalilluni Kommuneqarfik Sermersuumi piujuartitsilluni imminullu atasumik siuariartornermut atugarissaanermullu tapersiissaaq.

Meeqqat inuusuttullu siunissaraagut

Uku anguniarpavut

Kommuneqarfik Sermersuumi meeqqat tamarmik pitsaasumik ilikkagaqarfiusumillu meeraanissaat anguniagaraarput, taamaalillutik pitsaasumik inuuneqarnissamut piareersimaniassammata. Meeqqat namminneq tunngavitik malillugit meeraaninnaatitaapput, meeqqallu tamarmik pitsaasumik inerikkiartorfiusumillu meeraanissaannik suliniuteqarnissarput pingaartuuvoq. Taamaammat iliuseqarnissamut pinnguarnissamullu inissaqarneq ilikkagaqarnissamik tamatigut tunngaveqartariaqanngilaq.

Meeqqat inuusuttullu inuunerillutik peroriartussapput, sulilu ukiukitsuullutik inuiaqatigiinni inissaqarnermik misigissapput. Taamaalilluta inersimasut tamarmik innuttaasutut inuiaqatigiinnut ilaasutut misiginissaat sulissutigissavarput – inunnut ataasiakkaanut ataatsimoornermullu iluaqutaasumik.

Taamaammat meeqqat tamarmik peqqinnartumik toqqissisimanartumillu peroriartornissaat sulissutigaarput. Atugarissaarneq angerlarsimaffimmi aallartittarpoq, taamaammat ilaqutariit tamassuminnga pisariaqartitsinerpaajusut ikiorneqarnissaat tapersersorneqarnissaallu siuisissukkut isiginiassallugu pingaartuuvoq – meeqqat taamaalillutik toqqissisimallutik pilluartillu inuuniassammata. Tamassuma saniatigut meeqqanut unammilliutaasunik tapersersuisuusunillu tassungalu peqatigitillugu kajumissaataasunik qaffasissumik pitsaassusilinnik ulluunerani neqerooruteqassaagut. Taamaaliornikkut inuuneq tamaat ilikkagaqartarnermi inersimasutullu inuunerissaqqinnissamut siullertut tunngaviliivigineqassapput.

Meeqqat inuusuttullu avatangiisiminnit sunneruminartuupput, avatangiisini sumiinnerat apeqqutaatinnagu. Taamaammat meeqqat inuusuttullu inuunerissaarnerisa qaffannissaa ataatsimut suliassatut isigissavarput, kivitseqatigiissaagut - atuarfiup, sunngiffimmi sammisaqarfiit angerlarsimaffiillu akornanni.

Takorluugaq "Meeqqat inuusuttullu siunissaraagut" immikkoortumilu maannakkut suliaqarneq aallaavigalugit sammissat pingasut nassuiaaserpavut: Peqqinnartumik toqqissisimanartumillu peroriartorneq. Meeqqat ilinniagaqarnissamut piareersimasut aamma Siunissaq ataatsimoorullugu. Nunarsuarmi anguniakkat uku takorluukkap taassuma angunissaanut qitiupput:



Peqqissumik toqqissimasumillu peroriartorneq

Imaaliussaagut

Meeqqat tamarmik tarnikkut peqqissuunissaat kommunip isiginiarpaa. Uani pingaartumik atornerluisut meeraat. Ilaqutariit tamarmik ikiorneqarsinnaassapput, tapersiinerlu ima aqqissuunneqassaaq meeqqat angajoqqaaminnit qimagutsinneqartut ikilisinnerannik kinguneqassalluni. Tamassuma saniatigut paaqqinnittarfinni tapersersuisoqartassaaq, ikiuineq kiisalu ilinniartitsineq ilitsersuinerlu.

- Peqqinnartumik inuuneqaqqilernermik meeqqat atuarfianni ilinniartitsineq
- Ulluunerani paaqqinnittarfinni nerisaqartitsinermik aqqissuussinerit
- Meeqqanut illoqarfinnit mikisuneersunut nunaqarfinneersunullu atuarniarlutik ungasissumut nuuttussanut tapersersuineq
- Ilaqutariinnik ilitsersuisarneq siunnersuisarnerlu, ilaatigut inuusuttunut angajoqqaanullu navianartumiittunut
- Perorsaanermit ulluinnarnilu inuunermit pissutsinik aqqiiniarluni ilaqutariinnut namminneq angerlarsimaffianni tapersersuineq
- Paaqqinnittarfinni meeqqanut immikkut pisariaqartitsisunut perorsaanermit tapersersuineq

Meeqqat ilinniagaqarnissamat piareersimasut amerlanerit

Meeqqat tamarmik peqataatitsiviusumi atuartuunissaat kommunip kissaatigaa – pingaartumik meeqqat immikkut pisariaqartitsisut isiginiarlugit. Piginnaangorsaaneq eqqarsaatigineqassaaq, ilaatigut nukappiaqqat nivarsiaqqullu ileqquusumik suliarisartagaasa assigiinnginnerulersinnissaat siunertaralugu ileqquusuniillu allaanerusunik piginnaasaqalernissaq pikkoriffeqalernissarlu siunertaralugit.

- Oqaatsinik piginnaasat taamaatiinnartartullu ikilisinnissaat isiginiarlugit
- Ilinniartitaanermut Aqutsisoqarfik suleqatigalugu naqinnernik ilisarinnissinnaangitsunik kalaallisut misilisaarneq
- Inuusuttut 80%-ii meeqqaat atuarfianni naammassigunik inuusuttut ilinniagaannut ingerlaqqittassapput
- Fysio- aamma ergoterapeutit atorlugit meeqqat piginnaasakitsut ikiornissaannut pitsanerusumik periarfissaqarneq
- Open College Network aqutigalugu innuttaasut innarluutillit piginnaangorsarnissaat ilinniarnissaallu isiginiarlugu
- Eqqumiitsuliorneq kulturilu ilinniarnep ilaatut inerikkiartuutaasutut isigineqassapput, ilaatigut kulturimut nammattagaq atorlugu.

Siunissaq ataatsimoorullugu

Kommuni meeqqanut inuusuttunullu tunngatillugu amerlasuunik pingaaruteqartunillu suleqateqarpoq. Kommunimi meeqqat pitsaanerpaamik peroriartortilerniarlugit suleqatit taakku annertuumik isumaqarluartumillu atorneqassapput. Meeqqat peqataatinneqassaput namminnerlu siunissartik periarfissatillu pillugit aalajangeeqataasassapput.

- Klassinik nunanut allanut paarlaasseqatigiittarneq
- Meeqqat atuarfiannit suliffeqarfinnut pulaartarneq
- Erasmus+ aamma Nordplus atuartut ilinniartitsusullu nunanik allanik suleqateqarnermi paarlaasseqatigiittarnermilu atuisarnissaat isiginiarlugu
- Ingerlatsisunik assigiinngitsunik suleqateqarneq, soorlu atuarfinnik, sunngiffimmi sammisaqartitsivinnik, angerlarsimaffinnillu
- "Qaqisa"-mik suliaqarneq ingerlateqqillugu
- Angajoqqaat atuarfinni suleqatigiinnerat, Island isumassarsiorfigalugu
- Inuusuttut kommunalbestyrelsiannik suliaqarneq ingerlateqqillugu
- Mind Your Own Business aqutigalugu aallarnisaasuunermik isiginninniarneq
- Fonden for Entreprenørskab suleqatigalugu peqataatillugulu, meeqqat atuarfianni aallartereerluni
- Atuarfiit utoqqaat illuat suleqateqarnerat pulaartarnerallu
- Meeqqat inuusuttullu immikkoortunut pilersaarutini sulianut attuumassuteqartuni eqqarsaatigineqassapput.

Sermersooq inuussutissarsiortut siuariartorneranni qitiusutut

Uku anguniarpavut

Sermersooq, kommunitut illoqarfiit pingaanersaattut, siuariartortunik suliffeqarfeqarluni aamma nutaaliornermut suliffissaqartitsilersarnikkullu pitsaasumik aallaaviulluni, inuussutissarsiutit siuariartornissaannut alliarternissaannullu annertuumik periarfissaqarpoq.

Tamassuma siunissami pinissaanut pisariaqartut ilagaat, namminersortut kommunimi ingerlatsinerunissaat. Kommuni taamaammat ujartuilluni aaqqiissuteqarniarlunilu sulisarnermik kiisalu piginnaasaqarluni angusaqarfiusumillu suliaassanik suliarinnittarnermik siuarsaaqataaniarpoq.

Tamassuma saniatigut inuussutissarsiutinik ineriartortitsineq piginnaanngorsaanerlu kommunip suliniutaani assigiinngiartuni eqqarsaatigineqartassapput, sanaartorneq aningaasaliisarnerillu eqqarsaatigalugit.

Kommunimi siuariartornissamat periarfissat atorluarneqarnissaannut pisariaqartoq alla tassaavoq kommunimi inuussutissarsiornermi immikkoortut immikkut isumalluarnartut annertunerusumik isiginiarneqarnissaat. Uani taaneqarsinnaapput aalisarneq, aatsitassarsiorneq takornariaqarnerlu.

Kommuni tamassuma saniatigut niuerfiit angisuut Europap aamma Amerikap Avannarliup akornanni inissisimalluarpoq, tassungalu atatillugu arlalinnik periarfissaqarluni.

Amerlanerit suliffeqassapput – pingaartumik innuttaasut navianartumiittut. Innuttaasut suliffeqalernissaannut periarfissat innuttaasut kissaatigisaat pisariaqartitaallu qitiutillugit ineriartortineqassapput. Innuttaasut suliffeqalernissaat innuttaasut kommunillu akornanni ataatsimut anguniagaassaaq. Taamaammat isumaqarluartumik sulineq kiisalu imminut pilersorsinnaajumalluni nammineeorneq inuunerullu pitsaassusia tamanut iluaqutaapput.

Takorluukkap "Sermersooq inuussutissarsiortut siuariartorneranni qitiusutut" anguneqarnissaanut sammisat sisamat suliarineqarput. Suliffeqarneq piginnaanngorsaanerlu. Inuussutissarsiutinik ineriartortitsineq. Tamanut piujuartitsilluni pilersaarusiorneq.

Kiisalu Kommuni ataatsimoortoq. Tassunga atatillugu nunarsuarmi anguniakkat uku suliarineqarnerupput:



Imaaliussaagut

Suliffeqarneq piginnaanngorsaanerlu

Atuartuniit inuiaqatigiinni innuttaasunut suliffissarsiortunut ilinniagaqarnissamut piareersimasoaqartariaqarpoq piginnaanngorsartoqarlunilu. Innuttaasut amerlanerusut suliffeqassapput inuiaqatigiinnilu amerlanerit pitsaanerusunik piginnaasaqassapput. Aamma amerlaner-nik suliffeqarfeqassaagut – pingaartumik nammersortut amerlanerussapput.

- Inuusuttut 80 procentii inuusuttut ilinniagaannik ilinniassapput
- Piginnaanngorsarneq Majoriamiillu taperserneqarneq
- Suliffeqarfinnik inuit atugaanni aningaasaqarnermik suliaqartunik pilersitsineq
- FabLab-imik pilersitsineq, aallarnisaasunut sinaakkutilimmik teknilimillu tapersiisumik teknologilimmik, atuarfinit namminersortunillu atorpeqarsinnaasumik.

Inuussutissarsiutinik ineriartortitsineq

Inuussutissarsiutinik ineriartortitsinermit piujuartitsineq tunngavigineqassaaq. Tamanna pissutsini arlalinni assigiingitsuni atuuppoq, ilisimatusarneq teknologilu, nutaaliorneq aallarnisaasuuneq siunertaralugit ingerlatsisullu akornanni suleqatigiittoqarluni.

- Teknologimik nutarsaanerit isumaqarluartumik isiginialugit
 - Suliassanik suliarinnittarnermik digitaliseeriineq
 - Kommunitut digitalinngorlugu atassuteqartarneq
- Suliffeqarfinnik mikisunik ikiuisarneq tapersiisarnerlu isiginialugit
- Nutaaliornermut nutaaliorsinnaassuseqarnermullu sinaakkutit pitsaasut
 - Innuttaasut illuanni illorput kulturimik suliaqarfik nutaliorfiusinnaasoq
 - Tunisassiat namminersortunit tunisassiarineqartut tuniniarneqartarnerisa ineriartortinneqarneranut sinaakkutit FoodLab-imik suliaqarneq
 - Sermersooq Business Councilimik suleqateqarneq
- Uku aqqutigalugit aallarnisaasuunermik isiginninniarneq
 - Mind Your Own Business
 - Fonden for Entreprenørskab suleqatigalugu peqataatillugulu
- Inuussutissarsiortunut sinaakkutit pilerinartut qulakkeerlugit
 - Assersuutigalugu inuussutissarsiutinut nunaminertanik sulisunillu piginnaasalinnik isiginninniarnikkut
 - Isumasiueqatigiittarnermut suleqatigiinnermullu tunngatillugu soqutigisaqartut peqataatinnerisigut namminersortunut sinaakkutit atugassaritneqartut pitsanngorsarlugit
 - Inuussutissarsiortunut nunaminertat
 - Suliassanik eqaatsumik suliarinnittarneq
 - Inuussutissarsiortut kommunimut matuat ataaseq
 - Invest in Nuuk.

Assartuineq imminut napatissinnaasoq kikkunut tamanut

Kommunimi attaveqaatit inuussutissarsiortunut pilerinartumik sinaakkusiissapput. Taamaammat illoqarfinni, nunaqarfinni inoqarfinnilu pilersaarusiortuineq attaveqaatillu isiginiarneqarput. Aamma innuttaasut immikkut pisariaqartitsisut isiginiarneqassapput, assersuutigalugu kommunimi atortunik atuisinnaanerannut tunngatillugu.

- Iseriartortut majorallaffii, alloriusat, matut silittut kommunillu illuutaasa atorneqarsinnaanerannik iliuutsit allat, innuttaasut tamarmik taamaalillutik isersinnaani-assammata ikioqqusariaqassanngimmatalu
- Assartuutit innuttaasunit atorneqarnerulersinnaalersillugit
- Umiarsualiviup mittarfiullu akornanni inuussutissarsiortunut aqqut suliffeqarfinnut nunanit tamaneersunut, nunami nammineersunut sumiiffinneersunullu pilerinartuq
- Namminersorlutik Oqartussanut sullissineq pillugu isumaqatigiissutinik oqaloqateqarneq
- Nuummi mittarfiup tallinera
- Niusarfinnik puttasunik immallu tungaanut majuartarfinnik pisiortorneq, pingaartumik Tunumi.

Kommuni ataatsimoortoq

Inuussutissarsiutinik ineriartortitsineq kommunimut tamarmut iluaqutaassaaq – taamaammat oqartussat, inuussutissarsiortut ilisimatusartullu akornanni suleqatigiinneq ineriartortitsinermi tunngavigineqassaaq.

- Sermersooq Business Councilimik, Destination East Greenlandimik aamma Nanu Travel-imik suleqateqarneq
- Inuussutissarsiutinut sinaakkutit pitsanngorsarnissaat siunertaralugu ataatsimoorluni suleqatigiinneq
- Nunaqarfinni isorliunerusunilu inuussutissarsornermi periarfissanik misissuineq
- Ilisimatusarfimmik suliaqarneq ingerlateqqillugu
- Suliffeqarnermi nuussinaneq annertusillugu ilaatigut Majoriaq aamma Campusimik periuseq kiisalu suliffeqarfiit inuit atugaanni aningaaqarnermik suliaqartut aqqutigalugit
- Piujuartitsilluni inuussutissarsiutinik ineriartortitsineq immikkoortunut pilersaarutini suliaqarfinnut ataasiakkaanut tunngassuteqartuni isiginiarneqassaaq.

Sermersooq inuttut inerikkiartornermi tunngaviusutut

Uku anguniarpavut

Innuttaasut tamarmik tapersiisinnaapput. Taamaammat Sermersooq komuniussaag kikkut tamaasa pissarsiviginissaannik kikkullu tamarmik peqataatinneqarnissaannik suliaqartoq. Tamanna innuttaasunut tamanut atuuppoq, inuuneq tamaat. Meeqqat inuusuttullu pinnguarnissamut ilikkagaqartarnermullu inissaqartinneqassapput, taamaalillutik pitsaasumik peqqinnartumillu meeraanermikkut ilinniarnissamut kingusinnerusukkullu suliffeqalernissamut piareersimaniassammata. Inersimasut imminnut ilaqtamminnillu pilersuisinnaassapput inuiaqatigiinnilu ineriartortitsinitsinnut tapersiillutik. Utoqqaat toqqissisimanartumik nuannersumillu utoqqalissapput, iliuuseqartarnissamut inissaqartinneqarlutik taamaaliortoqarsinnaatillugulu tapersiisarlutik. Taamaalilluni ataatsimoornermi innuttaasut tamarmik inissaqartinneqarput, inuunerminni killiffiat apeqqutaatinnagu.

Innuttaasut peqqissusaat pimoorunneqassaaq – timikkut tarnikkullu. Takussutissallu iliuuseqarfiginissaat ajornartorsiutillu pinaveersimatinnissaat isiginiarneqassapput, taamaalilluni ileqqut ajortut siusissukku qaangertinneqartassallutik. Tamanna inersimasunut atonerluinermik ajornartorsiuteqartunut allatulluunniit ajornartorsiuteqartunut atuuppoq, pingaartumillu meeqqanut taamaattunik atugaqarlutik peroriartortunut. Tamanna sapinngisamik kommunip, atuarfiit kattuffiit ikiuniartartut sulianut aalajangersimasunut attuumassuteqartut suleqatigiinnerisigut pissaaq.

Suleqatigiinneq tassarpiassaaq peqatigiinnermi kommunimi pilersinneqartussami taaguut pingaarneq. Peqatigiiffiit assigiinngitsut nalilernerqarsinnaanngitsumik suliaqareerput – piumassutsimik suliaqartarneq annertusaqqinneqassaaq. Inuiaqatigiit tamarmik uani aamma isiginiarneqassapput – meeqqat inuusuttullu piumassutsiminnik sulisunut isumalluutaasinnaapput periarfissarlu taanna ineriartortinneqassaaq.

Takorluukkamik ”Sermersooq inuttut inerikkiartornermut tunngavittut” suliaqarnermi sammisat pingasut uku eqqarsaatigineqarput: Peqqissuseq, Inuuneq tamaat ilikkagaqartarneq aamma Inuiaqatigiinni inissaqarneq inuuneq tamaat. Takorluugaq taanna anguniarlugu anguniakkat uku suliarineqarnerupput.



Imaaliussaagut

Peqqissuseq

Innuttaasut tamarmik peqqissusaat isiginiarneqassaaq. Tamanna ilaatigut isumaqarpoq peqinnartumik inooriaaseqarneq, tarnikkut peqqissuuneq aamma peqqissuseq ataatsimut isigalugu pillugu paasisitsiniaaneq paasisissutissiisernerlu.

- Imigassamik aanngajaarniutinillu atuisarnerup pinaveersimatinnera
- Kommunimi pujortarnerup sulii isiginiarneqarnera
- Kommunimi peqqinnarnerusunik nerisaqartarneq
- Tarnikkut ajortiasuunermik imminullu toquttoqartarneranik isiginninniarneq
- Pioreersumik kinguaassititigullu peqqissusermik innarlerneqartunillu ikiuisarnermik isiginninniarneq
- Kommunimi tamarmi ikiorneqarsinnaasoqartariaqarpoq taperseerqarsinnaasoqartariaqarlunilu
- Meeqqat atugarissaarnerannut inerikkiartornerannullu iluaqutaasumik atuarfiup angajoqqaallu akornanni annertunerusumik suleqatigiinneq
- Innuttaasut ataasiakkaat peqqissusaannut ilorrisimaarnissaannullu silami timigissarnermut atortut takussaasut
- Arsartarfiit ivigaarallit takussaasut
- Kammagiitta aamma Qajannaatsuuneq meeqqat inuusuttullu tarnikkut peqqissusaannut taperseeqataapput, ulluunerani neqeroorutini atuarfimmilu
- Haalit suleqatigiillutik qaammatit naaneranni qaammatikkaarlugu aaqqissuussisarnerat, tassani meeqqat inuusuttullu nutaaliornissamut, pinnguarnissamut aalanissamullu aggersarneqartarlutik.

Inuuneq tamaat ilikkagaqartarneq

Innuttasut tamarmik ilikkagaqartarnissaat ineriartornissaallu isiginiarneqassapput. Tamanna kinguneqarpoq inuit ataasiakkaat piginnaasaannik innuttaasullu assigiinngitsunik pikkorissarfigisinnaasaannik ilinniagarisinnaasaannillu isiginninniarneq. Tamassuma saniatigut inu-ussutissarsiortut annertunerusumik suleqatigineqassapput, meeqqat taamaalillutik maligassiuisoqarniassammata tamannalu aqqutigalugu anguniagaqarlutik.

- Inuusuttut 80 procentii meeqqat atuarfiata kingorna inuusuttut ilinniagaanni ilinnialissapput
- Qaffasissutsini tamani ilinniarnermik unitsitsiinnartarnermik isiginninniarneq – tassunga ilanngullugu oqaatsinik piginnaasanik immikkulu pisariaqartitanik isiginninniarneq
- Majoriaq aamma Campusimi periuseq atorlugit piginnaanngorsarnerup ilinniaqqinnerullu isiginiarneqarnerat
- Innuttaasunut innarluutilinnut Open College Network-imik piginnaasallu pillugit uppernarsaatinik suliaqarneq ingerlateqqillugu.

Inuiaqatigiinni inissaqarneq - inuuneq tamaat

Kikkut tamarmik Kommuneqarfik Sermersuumi inissaqassapput. Tamanna salliutillugu kinguneqarpoq inunnut imminnut inissaqartitsilersinnaanngitsunut kommunip ikiuisarnissaa. Taamaammat pisuni navianartuniiffiusuni immikkullu pisariaqartitsiviusuni meeqqanut sukkasuumik, sunniutilimmik annertuumillu suliniuteqartoqartassaaq. Suliffeqarfiit amerlanerussapput inissiallu amerlanerussallutik taakkunani marlunni pingaartumik namminer-sortut amerlanerussapput. Naggasiullugu utoqqarnut innarluutilinnullu inissaqartitsisoqassaaq, inunnut inuiaqatigiinni nukissalinnut inunnullu ikiorneqarnissamik tapersorneqarnissamillu pisariaqartitsisunut.

- Utoqqarnut innarluutilinnullu immikkut pisariaqartitsisunut ikiuisarneq tapersersuisarnerlu, timikkut tarnikkullu assersuutigalugu puigortunngornermi
- Utoqqaat innarluutilillu eqeersimaartut piumassutsikkut sulinermi suliffeqarfinnilu tamatigoortuni inissaqassapput suliaqarsinnaallutillu
- Piffissani assigiinngitsuni sulinissamut, qajassuunneqarluni sulinissamut aamma inuit atugaanni aningaasaqarnermi suliffiuteqarnissamut periarfissat
- Innuttaasunut immikkut pisariaqartitsisunut ajornakusoortimillu inissisimasunut ikiuisarneq
- Innuttaasunut piginnaasakitsunut sinnaakkutit ikiorsiisarnerlu
- Socialpsykiatrimik ingerlatsiffiulluartumik isiginninniarneq
- Utoqqarnut innarluutilinnullu inissiat naleqquttut amerlanerusut qulakkeerneqarnerat
- Inuusuttunut ilinniartunullu inissiat annertunerusumik isiginiarneqarnerat
- Inissianik inuit namminneq pigisaannik 1600-nik pilersitsinissaq siunertaralugu illoqarfimmik ineriartortitsinermi suliniut
- Suliaqarfinnut ataasiakkaanut immikkoortunut pilersaarutit isiginiarneqassapput.

Sermersooq kommunitut akisussaassuseqartutut pijuartitsisutullu

Uku anguniarpavut

Sermersooq illoqarfiussaaq silaannarmik mianerinnittoq piujuaannartitsisorlu. Pisuussutigut paarilluassavagut tamannalu atuinermi tunisassiornermilu takuneqarsinnaassaaq. Tamassumunnga tunngavik tassaavoq kaaviiartumik a-ningaasaqarnerup ingerlanneqarnissaa. Tunisassiat atortullu kaaviiartinneqarnissaat annertunerusumik eqqarsaatigineqassaaq, tassani taakku nalingi annertunerpaamik atorluarneqassallutik.

Taamatut ingerlatsineq kommunip kisimiilluni kivissinnaangilaa. Sunniuteqartoqarsinnaassappat kommunip, innuttaasut inuussutissarsiortullu akornanni aaqqiissutissat nutaat ataatsimoorussallu isiginiarneqassapput. Taamaammat suleqatitsinnut annertuunik aamma piumasaqaateqartarpugut, assersuutigalugu pisiortornermik politikkitsinni, neqeroorutitsinni assigiinngitsuni aamma inuussutissarsiortunik ataatsimut isigalugu suleqateqarnitsini. Tassami Sermersuumi suliffeqarfimmik ingerlatsineq imatut pilerinartuussaaq avatangiisini inuttullu atukkani pijuartitsilluni siuariartorneq siuarsarneqassalluni.

Silaannaap allanngoriartorerata kinguneri arlallit takuneqarsinnaalereerput – nunarsuarmi tamarmi naalakkersuisut, kommunit, suliffeqarfiit kattuffiillu assigiinngitsut allat tamanna pillugu ataatsimoorlutik suliniuteqarput. Sermersuumi tamanna peqataaffigissavarput. Ilaa-tigut CO₂-mik akisussaassuseqartumik atuinissaaq qulakkiissavarput, ilaatigullu silaannaap allanngoriartorerata kinguneqaqqinnissaanut tunngatillugu kommunip iliuuseqarluarsinnaanera qulakkiissavarput. Tamanna aamma inuussutissarsiortut suleqatigalugit pissaq.

Takorluukkamat ”Sermersooq kommunitut akisussaassuseqartutut pijuartitsiviusutullu” atatillugu sammisat pingasut suliarineqarput: Kaaviiartumik aningaasaqarneq, Silaannaq pillugu suliniuteqarneq aamma Suleqatigiinnermi suliniutit. Suliami tassani nunarsuarmi anguniakkut uku qitiupput:



Kaaviaartumik aningaasaqarneq

Imaaliussaagut

Eqqagassanik qanoq isiginninneq suliaqartarnerlu kommunip isiginiassavaa. Tamanna ilaatigut atuuppoq eqqagassanik pilersitsisarnermi, passussisarnermi immikkoortiterisarnermilu. Tamanna tamassuma saniatigut kinguneqarpoq kaaviiartumik aningaasaqarnerup tunisassiornerullu kommunimi siunissami atuisarnermi isiginiarneqartarnissaat.

- Kommunimi eqqagassanik ataatsimut passivimmik pilersitsineq
- Inoqutigiit immikkoortiterisarnerisa aallartinneqarnera
- Igalaaminernik qillertusanillu immikkoortiterisarnerup isiginiarneqarnera
- Ilisimatusarfimmik suleqateqarneq
- Kommunimi akisussaasseqartumik pijuartitsillunilu pisiortortarnermut politikkimik isiginninniarneq
- Innuttaasut atuinermik ilisimasaqarnissaat pillugu paasisitsiniaaneq isiginninniarnelut
- Kommunimi paaqqinnittarfiit (neriassanik) atuinerannik isiginninniarnelut
- Kaaviiartsitsilluni sanaartornissamut periarfissanik misissuineq.

Silaannaq pillugu iliuuseqarneq

Kommunip ingerlaavartumik suliaqarnermi kiisalu periusissiani iliuusissatullu pilersaarutini silaannaap allangngortorneranut suliniutit ilannguttassavai.

- Silaannaq pillugu suliniuteqarneq pisortat nutaanik sanaartorneranni isiginiarneqassaaq
- ESCO-p neqeroorutaasa nukissiuutinillu atuinerulernissap isiginiarneqarnerat
- Kommunip pijuartitsinerusunik biiliuteqarnissaaq – ilaatigut biilnik hybridinik pisiortornikkut
- Kommunip inissiaateqarfiata inissiaataani innaallagissamik kiammillu atuinermut uuttuutunik ikkussuinerat.

Suleqatigiinnermi suliniutit

Kommuni avatangiisini pijuartitsilluni ineriartortitsinermi suliniuteqarnermik kissaateqarneq piviusunngortinniarlugu kommunip suleqatit assigiinngitsut isiginiarpai, assersuutigalugu CSR-Greenland. Ilaatigut kommunip sulisoqarfiini pijuartitsinissap ataatsimut suliniutinngortinissaa inuussutissarsiortullu qanoq peqataatinneqarsinnaanerat isiginiarneqarput.

- Kommunip pigisaanik sanaartortitsisuuffianilluunnit sanaartornermi suleqatinut piumasaaqateqarneq
- Kommunip atuarfiinni WWF-imik suleqateqarneq, tassani meeqqat pijuartitsinermi-kamik avatangiisinillu ilinniartinneqartarlutik.
- Nunarsuarmi anguniakkat pijuartitsinerlu suliaqarfinnut ataasiakkaanut immikkoortunut pilersaarutini isiginiarneqartassapput.

Sermersooq kommunitut nutaaliortut, eqeersimaartut uummaarissutullu

Uku anguniarpavut

Sermersooq kommuni najugaqarfigissallugu pilerineqartuussaaq. Tassani najugaqarneq, suliffeqarneq, suliffeqarfimmik ingerlatsineq pitsaasuussapput – aammali nutaaliornissamut eqeersimaarlunilu inu-
uneqarnissamut inissaqassaaq.

Sermersooq kommunioreerpoq pissanganartoq assigiinngiaartunillu ingerlatsisoq. Kommuni taamaattoq eqqumiitsuliornikkut, kulturikkut ataatsimoornikkullu pilersinneqartarpoq – tamakku taamaamat siunissami isiginiarneqassapput. Eqqumiitsuliornissamut isumassarsiorfissat siuinnguatsinneereerput - Sermersuumi sumiiffiit tamarmik nunap sananeqaasianik kusarnartumik, immikkuullarissumik assigiinngiartumillu avatangiiseqarput. Tamanna annertusarneqassaaq, aammalu aallarnisaasut eqqumiitsuliortullu nutaaliortut kommunitisinni najugaqareersut tamassuma ineriartorteqqinerani tunngavileeqataassapput – pingaartumik piginnaanillit inuusuttut isiginiarlugit.

Nutaaliorneq tamanna ineriartortitsineranut tunngaviuvoq ilaannullu suliffeqalernissamut immalumi nammineq suliffeqarfigisamik aallartitsinissamut aqqutissaassaaq – taakku marluk kommunimi ataatsimoornermut iluaqutaasupput.

Sermersooq tamassuma saniatigut timersornermi periarfissanik atuilluaanissamut pikkorinnerussaaq. Sumiiffinni innuutaasut eqeersimaartut pilersissavagut, sumiiffinni ataatsimoornermik misigisimaneq annertusarniarlugu innuttaasullu peqqissusiannut iluaqutaasumik.

Eqqumiitsuliorneq, kulturi timersornerlu aamma illoqarfimmik uummaarissumik pilerinartumillu pilersitseqataasarput, takornarissanut nuussinnaasunullu. Kommunip taamaaliornikkut amerlanerusut tikeraarnissaat ikiorsiivigissavaa neriutartumillu maanga suliniarlutik nuuttut najugaqartiinnarnissaannik pikkorinnerulissalluni.

Takorluukkamat “kommuni nutaaliortoq, eqeersimaartoq uummaarissorlu” atatillugu sammisat uku pingasut isiginiarneqarput: Timersorneq eqeersimaarnerlu, Eqqumiitsuliorneq, kulturi nutaaliornierlu kiisalu kommuni najugaqarfigissallugu pilerineqartooq. Suliaqarnermi tassani nunarsuarmi anguiakkat uku qitiupput:



Timersorneq eqeersimaarnerlu

Imaaliussaagut

Timersornermut aqqissuussaasumut aqqissuussaangitsumulu sinaakkusiisoqasaaq kiisalu ilinniartitsinermik kikkullu tamarmik timigissartarnissaannik eqeersimaartuunissaannilluikiuisoqartassalluni. Timersornermi peqataanissaq ajornaatsuusaaq pilerinartuullunilu – pingaartumik ualikkut ulluunerani neqerooruteqarnikkut meeqqanut inuusuttunullu.

- Sunngiffimmi sammisaqarnissamut allagartaqarneq, tassani sunngiffimmi sammisaqarnernut aningaasatigut tapiissuteqartoqarsinnaalluni
- Tasiilami atuarfimmi timersornermi qilaatersorneq
- Haalit suleqatigiillutik nutaaliornermut, pinnguarnermut aalanermullu meeqqanik inuusuttunillu tamanik aggersaasarnerisigut qaammatit naaneranni qaammatikkaartumik aqqissuussisarnerat
- Nuannaffik, tassani meeqqat angajoqqaallu sapaatip akunnikkaartumik aqqissuussinerni timersortarfinni peqatigiissinnaallutik
- Atuartut feriarneranni aqqissuussisarnerit isiginiarneqarnerat ingerlateqqillugu
- Silami timigissarnermut atortut takuneqarsinnaasut
- Playground Nuuk, tassani meeqqat aasaanerani salami sammisaqartitsinernut assigiinngitsunut illoqarfiup qeqqanut aggersarneqartarluti
- Nuummi, Tasiilami Ittoqqortoormiinilu sisorarfiit
- Silami sammisaqarnermut arsartarfiit ivigaaraasallit, assarnerinnaangitsumut.

Eqqumiitsuliorneq, kulturi nutaaliornarlu

Eqqumiitsuliorneq nutaaliornarlu kommunimi inuunerup nalinginnasumik ilagissavaa. Sunngiffimmi misigisassaannaangitsutut – aammali kommunimi innuttaasunut qimmassaatitut inuussutissarsiummillu ingerlatsisutut. Eqqumiitsuliornerup nutaaliornarullu inuussutigineqarsinnaaneritut sinaakkusiisoqassaaq, assersuutigalugu suliffeqarfiit mikisut namminersortut aqqtigalugit. Sumiiffinni eqqumiitsuliortut inissaqartinneqassapput tapersorsorneqarlutillu inuusuttullu piginnaanillit aallartinnissaannut ikiorneqartassallutik. Eqqumiitsuliorneq kulturilu tamakku saniatigut aqqusinerni kommunillu sulisoqarfiini inissaqartinneqassapput – ilaatigut aqqusinerni eqqumiitsuliornikkut atuarfinnilunniit eqqumiitsuliaateqarnikkut.

- Nuuk issittumi eqqumiitsuliornermi kulturimilu illoqarfittut nittarsaanneqassaaq
- Kulturimi nammattakkamik sulineq ingerlateqqinneqassaaq, tassani meeqqat atuartut kulturi atorlugu ilikkagaqartarnerisa qaffassarnissaa isiginiarneqartassalluni
- Ulluni nalliuttorsiorfinni aqqissuussinerit ingerlateqqinneqassapput, tassani nunami namminermi nunallu tamat akornanni ullut nalliortorsiuftit ataatsimut malunnartinneqartassalluti
- Sunngiffimmi atuartitsineq, tassani meeqqat inersimasullu sunngiffimmi atuartinneqarsinnaallutik, ilisimasaqalerlutik piginnaasaqalerlutillu.

Kommuni najugaqarfigissallugu pilerinartoq

Kommuni timersorneq aqqusinernilu kulturi inissaqartilerniarlugit peqatigiiffinnik suliffeqarfinnillu suleqateqassaaq. Tamassuma saniatigut kommuni najugaqarfigilernissaataa qanoq pilernartunngortinneqalersinnaanera isiginiarneqarnerussaaq – suliffissatut periarfissat, najugassaq sunngiffimmilu sammisassaqaqarneq eqqarsaatigalugit. Tamanna isumaqarpoq ilaquuttat tamaasa ilagalugit kommunimut nuussinaneq: inissaq, suliffissaq paaqqinnittarfinnulu inissaqarnissaq eqqarsaatigalugit. Kommuni innuttaasunit assigiinngiiartunit naju-gaqarfigissallugu pilerinartuussaaq, pingaartumillu kalaallit ilinniarnermik naammassinerata kingorna angerlaqqinnissaannik kajumilersitsiniarluni suliniuteqartoqassaaq.

- Illoqarfimmi sumiiffiit pilerinartut pilersinneqassapput attatiinnarneqarlutillu
- Inissiat, suliffissat paaqqinnittarfinnulu inissat amerlanerusut pilersinneqassapput
- Sunngiffik.gl tassani periuseq matu ataaseq pilersinneqassaaq aamma peqatigiiffinnik pilersitsisarneq nalunaarsuisarnerlu piuminarnersinniarlugit digitaliseeriisoqassalluni
- Tapiissutit pillugit malittarisassat, tassani Inuit ataasiakkaat, soqutigisaqaqatigiit peqatigiiffiilluunniit suliniutit tapiissuteqartoqarnissaanik qinnuteqaateqarsinnaallutik
- Piumassutsiminnik sulisut illuat, tassani peqatigiiffiit ulluinnarni ingerlatsinerminnut tunngatillugu pisariaqartititik matussusertissinnaallugit